庫全書

子部

欽定四庫全書

說苑卷二

群校官侍讀學士臣沈成然

編修臣程嘉 謀覆勘 網校官檢討 E何思釣 及足四車全書 欽定四庫全書 説苑 提要 臣等謹案說苑二十卷漢劉向撰凡二十篇 舊為二十 篇晁公武讀書志云 劉向說苑以 隋唐志皆同崇文總目云今存者五篇餘皆 君道臣術建本立節貴德復恩政理尊賢正 亡曾鞏校書序云得十五篇於士大夫家與 W. 說苑 子部一 儒家類

曾子固所得之二十篇正是析十九 卷作修 言謂得高麗所進本補成完書則宋時已 足為法戒之資者其體例一如新序葉大慶 此本晁公武偶未見也其書皆録遺聞佚事 文篇後有反質篇陸游渭南集記李德勢之 文上下篇耳今本第十法誠篇作敬慎而修 辨物修文為目陽嘉四年上之關第二十 卷 諫法誠善說奉使權謀至公指武談業旗言 有

次にの車を動 係並載其龍蛇之歌而之僑事尤奸黄朝英 桓公論晉平公一條晉勝智氏後闔問襲郢 子一條晉昭公時戰學一條孔子對趙襄子 係晏子使具見夫差一條晉太史屠餘與周 之一條諸御巴諫楚莊王築臺引伍子胥 考古質疑摘其趙襄子賞晉陽之功孔子稱 係皆時代先後邀不相及又介子推舟之 條楚左史倚相論越破吴一條晏子送曾 說乾

金グロルと言 向手而自相矛盾殆捃拾衆說各樣本文偶 漢志河間獻王八篇隋志已不著録而此 爾失於泰校也然古籍散佚多賴此以存 **筦饒一條新序作楚共王爵筦燕二書同** 納素據記亦摘其固桑對晉平公論養士 所載四條尚足見其議論醇正不愧儒宗 條新序作舟人古乘對趙簡子又楚文王 他亦多可採擇雖問有傳聞異詞固不以 提更 書 爵 其 如 出

		enementalistica de servicio de la constanta de			
					瑕累
-					全
			C (C)		瑕累全壁矣乾隆四十六年十月恭校上
			總	金額	乾隆
				蒙古	田十
			校	臣和	六
	-		官	的臣	牛十十
			臣	陸錫	月光
			陸	熊	が校
			官臣陸费墀	總暴官臣紀的臣陸錫熊孫士教	上

金石田居人門 提要

亡臣從士大夫間得之者十有五篇與舊為二十篇正 者七十二人皆高世之材也然獨稱顏氏之子其殆庶 略之難也知其精微之際固難矣孔子之徒三千其顯 行事之迹以為此書奏之欲以為法戒然其所取或有 其脱謬疑者關之而叙其篇目曰向采傳記百家所載 説苑序 不當於理故不得而不論也夫學者之於道非知其大 劉向所序說死二十篇崇文總目云今存者五篇餘皆

大是日年行告

說花

之邦必聞其政而子貢以謂非夫子之求之也豈不求 幾乎及回死又以為無好學者而回亦稱夫子曰仰之 不欲有為也然而曰求之有道得之有命故孔子所至 者有矣何其徇物者多而自為者少也益古之聖賢非 博矣其著書及建言尤欲有為於世忘其枉已而為之 無失於其間也故曰學然後知不足豈虚言哉向之學 得而聞也則其精微之際固難知久矣是以取舍不能 彌高讚之彌堅子貢又以謂夫子之言性與天道不可

志者也編校書籍臣曾筆上 然向數因於讒而不改其操與夫患失者異矣可謂有 學者之戒也故見之叙論令讀其書者知考而擇之也 子稱古之學者為已孟子稱君子欲其自得之自得之 能擇其所學以盡乎精微則其所至未可量也是以夫 也豈不得之有命哉令向知出此安於行止以彼其志 則取諸左右逢其原豈汲及於外哉向之得失如此亦 之有道哉子曰道之將行也飲命也道之將廢也敗命

The second secon						欽定匹庫全書
						برو
					en e	字言
-						
	-		-		TOTAL TOTAL CONTRACTOR OF THE PROPERTY OF THE	
				-	TO THE PROPERTY OF THE PROPERT	. J
Samuele de plate : carecar es		.*				

大王日臣公司 以臨臣下此人君之操也平公曰善 問於師曠口人君之道如何對口人君之道清 在任賢廣開耳目以察萬方不固 說 然遠見踔然獨立屡省考 劉向 撰

成王封伯禽為魯公召而告之曰爾知為人上之道乎 安静以藉之諫者勿振以威母格其言博采其辭乃擇 可觀夫有文無武無以威下有武無文民畏不親文武 凡處尊位者必以敬下順徳規諫必開不諱之門搏節 唇作聖詩人曰岐有夷之行子孫其保之宣王曰善 罪也大道容衆大德容下里人寡為而天下理矣書曰 齊宣王謂尹文曰人君之事何如尹文對曰人君之事 無為而能容下夫事寡易從法省易因故民不以政發

一金万口尼 台書

欠己日日公司! 也易曰夫君子居其室出其言善則千里之外應之况 其行不敬其言者未有能保帝王之號垂顯令之名者 君之動不可不慎也夫樹曲木者惡得直景人君不直 吾聽而愈失威儀夫上之化下猶風靡草東風則草靡 而西西風則草靡而東在風所由而草為之靡是故人 陳靈公行僻而言失泄治曰陳其亡矣吾縣諫君君不 塞諫者得進忠信乃畜伯禽再拜受命而辭 俱行威徳乃成既成威徳民親以服清白上通巧伎下 説苑

魯哀公問於孔子曰吾聞君子不博有之乎孔子對曰 靈公開之以泄冶為妖言而殺之後果就於徵舒 慎乎天地動而萬物變化詩曰慎爾出話敬爾威儀無 之樞機樞機之發樂辱之主君子之所以動天地可不 **邇者平言出於身加於民行發乎邇見乎遠言行君子** 有之哀公曰何為其不博也孔子對曰為其有二乗哀 不柔嘉此之謂也今君不是之慎而縱恣馬不亡必弑 其適者乎居其室出其言不善則千里之外違之况其

金少世是石雪量

たこう日から 如此哀公曰善哉吾聞君子成人之美不成人之惡微 假亦既見止亦既觀止我心則說詩之好善道之甚也 甚則百姓之親之也亦不能甚詩云未見君子憂心惙 河間獻王曰堯存心於天下加志於窮民痛萬姓之罹 孔子吾馬開斯言也哉 曰惡惡道不能甚則其好善道亦不能甚好善道不能 公懼馬有間曰若是乎君子之惡惡道之甚也孔子對 公口有二乗則何為不博也孔子對曰為行惡道也哀 說此

罪憂衆生之不遂也有一民飢則曰此我飢之也有 服者大山在其南殿山在其北左洞庭之波右彭蠡之 昭而義立德博而化廣故不賞而民勘不罰而民治先 竭也完諭教馬而有苗氏請服天下聞之皆非禹之義 川因此險也所以不服禹欲伐之舜不許曰諭教猶未 恕而後教是竟道也當舜之時有苗氏不服其所以不 人寒則曰此我寒之也一民有罪則曰此我陷之也仁

豈可欺哉故牧者所以辟四門明四目達四聽也是以! 舉者也其君歸也乃召其國大夫告用天子之言百姓 聞之皆喜曰此誠天子也何居之深遠而見我之明也 者有賢才而不舉者以入告乎天子天子於其君之朝 民有飢寒不得衣食者有獄訟而失職者有賢才而不 也揖而進之曰意朕之政教有不得者與何其所臨之 出舉遠方之民有飢寒而不得衣食者有獄訟而失職 周公踐天子之位布徳施惠遠而逾明十二牧方三人 竟舜之心為心今寡人為君也百姓各自以其心為心 使然馬君王何為痛之至於此也禹曰堯舜之人皆以 禹出見罪人下車問而立之左右曰夫罪人不順道故 五湖而定東海民亦勞矣然而不怨苦者利歸於民也 於人則我不能勘也故疏河以導之鑿江通於九派灑 矣 河間獻王曰禹稱民無食則我不能使也功成而不利 近者親之遠者安之詩曰柔遠能邇以定我王此之謂

欽定四庫全書

自平故書曰惟文王之敬忌此之謂也 乎其不可加矣不動而愛無為而成敬慎恭已而虞为 身而讓其所争以為閒田而及孔子曰大哉文王之道 則此其君亦讓以天下而不居矣二國者未見文王之 者相謂曰其人民讓為士大夫其士大夫讓為公卿然 之讓為士大夫入其國則見其士大夫讓為公卿二國 虞人與防人質其成於文王入文王之境則見其人民 是以痛之也書曰百姓有罪在子一人

次年日華在書

説苑

陶為大理益掌歐禽堯體力便巧不能為一馬堯為君 戲言言則史書之工誦之士稱之於是遂封唐叔虞於 義有輔王室之固當堯之時舜為司徒契為司馬禹為 晉周公旦可謂善說矣一稱而成王益重言明爱弟之 司空后稷為田疇變為樂正任為工師伯夷為秩宗臯 虞耶成王曰余一與虞戲也周公對曰臣聞之天子無 余以此封汝唐叔虞喜以告周公周公以請曰天子封 成王與唐叔虞熊居剪梧桐葉以為珪而授唐叔虞曰 金り口人と言

者况無法度而任已直意用人必大失矣故君使臣自 有道乎伊尹對曰昔者堯見人而知舜任人然後知禹 湯問伊尹曰三公九卿二十七大夫八十一元士知之 フノンフ・ラ シャラ 以成功舉之夫三君之舉賢皆異道而成功然尚有失 其事皆勝其任以成九功竟遂成厥功以王天下是故 亂舊法而天下治矣 知人者王道也知事者臣道也王道知人臣道知事母 而九子為臣其何故也堯知九職之事使九子者各受 锐拖

武王問太公曰舉賢而以危亡者何也太公曰舉賢而 貢其能則萬一之不失矣王者何以選賢夫王者得賢 陶不下堂而天下治此使能之效也 顯榮罪者退而勞力是以主無遺憂下無邪愚百官能 恩不流化澤不行故明君在上慎於擇士務於求賢設 材以自輔然後治也雖有堯舜之明而股肱不備則主 治臣下樂職思流羣生潤澤草木昔者真舜左禹右皇 四佐以自輔有英俊以治官尊其爵重其禄賢者進以

多方匹庫全書

多姦忠臣以訴死於無罪邪臣以譽賞於無功其國見 黨者進少黨者退是以羣臣比周而蔽賢百吏羣黨而 其君以譽為功以毀為罪有功者不賞有罪者不罰多 武王曰好用小善者何如太公曰君好聽譽而不惡說 安在太公望回其失在君好用小善而已不得真賢也 不用是有舉賢之名而不得真賢之實也武王曰其失 た足り事心告 於危亡武王曰善吾今日聞詳譽之情矣 也以非賢為賢以非善為善以非忠為忠以非信為信 說施

言取不能定所為以人言為不能定所罰以人言罰不 武王問太公回得賢敬士或不能以為治者何也太公 其情而喜聞人之情惡聞其惡而喜聞人之惡是以不 能定所賞以人言賞賢者不必用不肖者不必退而士 斷太公對回不能定所去以人言去不能定所取以人 對回不能獨斷以人言斷者殃也武王曰何為以人言 不必敬武王曰善其為國何如太公對曰其為人惡聞 必治也武王曰善

欠正日日かま 尊其位重其禄顯其名則天下之士騷然舉足而至矣 察之不明舉之不顯而用之疑官之申禄之薄也且夫 有布衣屈奇之士踵門而求見寡人者霉戚對曰是君 桓公曰既以舉賢士而用之矣微夫子幸而臨之則未 如而使姦邪不起民衣食足乎霉戚對曰要在得賢而 齊桓公問於審戚曰凳子今年老矣為棄寡人而就世 任之桓公曰得賢奈何審威對曰開其道路察而用之 也吾恐法令不行人多失職百姓疾怨國多盜賊吾何 說苑

事適欲擅國權命五阻也去此五阻則豪俊並與賢智 然後見察三阻也訊獄詰窮其辭以法過之四阻也執 阻也言便事者未當見用二阻也壅塞掩蔽必因近習 求處五阻不去則上蔽吏民之情下塞賢士之路是故 王聖君無不容故安樂而長久因此觀之則安主利人 明王聖主之治若夫江海無不受故長為百川之主明 國之所以不得士者有五阻馬主不好士諂諛在傍一 金片口尼台雪 者非獨一士也桓公曰善吾将著夫五阻以為戒本也

シニノコ 豆 ときる 人之厚補其薄是以解令窮遠而不逆兵加於有罪而 不中信行衰微則第子侍先君能以人之長續其短以 民不安則齊戚侍軍吏怠戎士偷則王子成父侍徳義 身體情解解令不給則隰朋侍左右多過刑罰不中則 **拉章侍居處肆縱左右攝畏則東郭牙侍田野不修人** 齊景公問於晏子曰寡人欲從夫子而善齊國之政對 則何為不具官乎對曰此非臣之所復也昔先君桓公 回嬰開之國具官而后政可善景公作色曰齊國雖小 競苑

之有道乎郭隗曰有然恐王之不能用也昭王避席願 奴驅馳棲煩之下以孤之不肖得承宗廟恐危社稷存 熊的王問於郭隗曰寡人地狹人寡齊人削取八城匈 嬰之過補嬰之關特進任之臣也何足以補君 未有一士以開者也故曰未具景公曰善吾聞高繚與 為禄仕者不能成政若萬綠與嬰為兄弟久矣未當干 夫子游寡人請見之晏子曰臣聞為地戰者不能成王 不順是故諸侯朝其德而天子致其胙今君之失多矣

多方四唇全量

臣則師傅之材至矣如此則上可以王下可以霸唯王 勢以求臣則朋友之材至矣北面拘指逡巡而退以求 求臣則人臣之材至矣西面等禮相九下之以色不来 色國之臣其名臣也其實庸也今王將東面目指氣使 請開之郭隗曰帝者之臣其名臣也其實師也王者之 臣其名臣也其實友也霸者之臣其名臣也其實實也 以求臣則厮役之材至矣南面聽朝不失揖讓之禮以

P = 1 = 1 = 1

説苑

擇馬燕王曰寡人顧學而無師郭隗曰王誠欲興道隗

王喟然嘆曰吾聞之其君賢者也而又有師者王其君 歸過申侯之邑申侯進飯日中而王不食申侯請罪莊 楚莊王既服鄭伯敗晉師将軍子重三言而不當莊王 并强齊夫熊齊非均權敵戰之國也所以然者四子之 力也詩曰濟濟多士文王以寧此之謂也 之從趙歸燕屈景聞之從楚歸熊四子畢至果以弱熊 請為天下之士開路於是熊王常置郭隗上坐南面居 三年蘇子聞之從周歸燕鄒行聞之從齊歸熊樂發聞

動好四周全書

身自惜不肖思得賢佐日中忘飯可謂明君矣 **伙定四軍全書** 而恐騎三曰聞天下之至言而恐不能行何以識其然 明主者有三懼一曰處尊位而恐不聞其過二曰得意 以食為故戰服大國義從諸侯戚然憂恐聖知不在乎 不绝聖國不絕賢天下有賢而我獨不得若吾生者何 者亡今我下君也而羣臣又莫若不殺不毅恐亡且世 中君也而又有師者霸其君下君也而羣臣又莫若君 也越王勾踐與吳人戰大敗之兼有九夷當是時也南

完仲限朋東面而立桓公贊曰自吾得聽二子之言吾 者曰君大勝姓今有憂色何也文公曰吾聞能以戰勝 人戰大勝之燒其軍火三日不滅文公退而有憂色侍 罪刑此處尊位而恐不聞其過者也昔者晉文公與楚 面而立近臣三遠臣五令羣臣曰聞吾過而不告者其 說其義正月之朝令其太牢進之先祖桓公西面而立 而安者其唯聖人乎若夫許勝之徒未當不危也吾是 以憂此得意而恐驕也昔齊桓公得筦仲隰朋辯其言

こころう ことろ 也下澤見蛇蛇之穴也如虎之室如蛇之穴而見之島 馬夫有賢而不知一不祥知而不用二不祥用而不任 則見她好所謂之不祥也晏子曰國有三不祥是不與 歸名晏子而問之曰今日寡人出獵上山則見虎下澤 言而恐不能行者也齊景公出獵上山見虎下澤見她 三不祥也所謂不祥乃若此者也今上山見虎虎之室 加明耳加聰不敢獨擅願薦之先祖此聞天下之至 其行耶讒夫昌耶宫室營耶女謁盛耶何不雨之極也 之謂也湯之時大旱七年维坼川竭煎沙爛石於是使 其勁有力也罷田而分所得吾是以知其仁也因是道 楚今王無乃耽於樂乎王曰吾獵将以求士也其棒蒙 楚莊王好獵大夫諫曰晉楚敵國也楚不謀晉晉必謀 也而得三士馬楚國以安故曰尚有志則無非事者此 刺虎豹者吾是以知其勇也其攫犀搏兕者吾是以知 人持三足鼎祝山川教之祝曰政不節耶使人疾耶苞

多分四月 台書

自七 髙宗者武丁也髙而宗之故號髙宗成湯之後先王道 則禍不至於是乃早朝而晏退問疾弔喪三日而桑穀 湯廟太戊從之上者曰吾聞之祥者福之先者也見祥 聲者也詩云上下真產靡神不宗言疾早也 而為不善則福不生殃者禍之先者也見殃而能為善 殷太戊時有桑穀生於庭昏而生比旦而拱史請卜之 蓋言未已而天大雨故天之應人如影之隨形響之效

天主日奉全事

說苑

憂執政使臣敬弔宋人應之曰寡人不伎齊戒不謹己 宋大水魯人界之曰天降溫雨谿谷淌盈延及君地以 蠻夷重譯而朝者七國此之謂存亡繼絕之主是以高 者野草也而生於朝意者國亡乎武丁恐駭側身修行 缺刑法違犯桑穀俱生乎朝七日而大拱武丁召其相 而尊之也 思先王之政興滅國繼絕世舉逸民明養老三年之後 而問馬其相曰吾雖知之吾弗得言也聞諸祖已桑穀

楚昭王有疾上之曰河為崇大夫請用三姓馬王曰止 平鹤使宋人不聞君子之語則年穀木豐而國未寧詩 馬夫過而改之是猶不過也故曰其無幾乎宋人聞之 曰佛時仔肩示我顯徳行此之謂也 風與夜寐早朝晏退 死問疾戮力字內三年歲豐政 不任其過其亡也忽馬成湯文武知任其過其興也勃 聞之曰宋國其無幾乎問曰何謂也曰昔者夏桀殷紅 封不修使人不時天加以殃又遺君憂拜命之辱君子

尼日日 江南

設施

禱之馬王曰止楚國之有不穀也由身之有匈脇也其 楚昭王之時有雲如飛鳥灰日而飛三日昭王患之使 有令尹司馬也由身之有股肱也自脇有疾轉之股肱 尹司馬說馬則可令尹司馬聞之宿齊沐浴将自以身 馬仲尼聞之曰昭王可謂知天道矣其不失國宜哉 福之至不是過也不穀雖不德河非所獲罪也遂不祭 古者先王割地制土祭不過望江漢雅漳楚之望也禍 人乗驛東而問諸太史州黎州黎曰將虐於王身以令

忘子數此能求過於天公不逆諫矣安不忘危故能終 楚莊王見天不見妖而地不出孽則禱於山川曰天其 矣孤必與馬侍者曰命可長也君胡不為君曰命在牧 民寡人之利也天生烝民而樹之君以利之也民既利 宋文公上徒於釋史曰利於民不利於君君曰尚利於 民死之短長時也民尚利矣吉孰大馬遂徙於繹 庸為去是人也

たら日を合

而成霸功馬

聽之必自他問之必自他擇之必自他取之必自他聚 以心取道者不以手而以耳 之少自他藏之必自他行之故道以數取之為明以數 人味言然後開其言者其得意少是以明王之言必自他 後開於甲道也故使人味食然後食者其得味也多使 湯曰藥食先當於甲然後至於貴藥言先獻於貴然後 開於甲故樂當乎甲然後至乎貴教也樂言獻於貴然 行之為章以數施之萬物為藏是故求道者不以目而

スニコシュニー 買 所欲者物我為之吾所樂者先我行之與處則安不見 楚文王有疾告大夫曰筦饒犯我以義達我以禮與處 趙簡子與樂激遊将沈於河曰吾當好聲色矣而樂激 聽遂之鄭三年而得鄭國之政五月而鄭人殺之 以大夫贈申侯伯而行之申侯伯将之鄭王曰必戒之 則思然吾有喪馬必以吾時遣之大夫許諾乃爵笑徒 矣而為人也不仁而欲得人之政母以之魯衛宋鄭不 不安不見不思然吾有得馬必以吾時爵之申侯伯吾 見

或謂趙簡子曰君何不更乎簡子曰諾左右曰君未有 韓武子田獸已聚矣田車合矣傳來告曰晉公薨武子 過何更君曰吾謂是諾未必有過也吾将求以來諫者 致之吾當好官室臺樹矣而學激為之吾當好良馬善 也今我却之是却諫者諫者必止我過無日矣 人是進吾過而點吾善也 御矣而樂激求之今吾好士六年矣而樂激未皆進一 請樂懷子曰子亦知君好田獵也獸已聚矣田車合矣

動方匹母全書

というできる 君也唯恐言而人不違無紂之為君也唯恐言而人達 經曰臣可一言而死乎文侯曰可師經曰昔堯舜之為 撞其君其罪如何左右曰罪當烹提師經下堂一等師 琴而撞文侯不中中梳潰之文侯謂左右曰為人臣而 師經鼓琴魏文侯起舞賦曰使我言而無見違師經接 拂今臣於君輔也晶於君拂也君胡不問於畾也武子 否可以卒獵而後吊乎懷子對曰范氏之亡也多輔而少 日盈而欲拂我乎而拂我矣何必畾哉遂輟田 說苑

懸琴於城門以為寡人符不補旒以為寡人戒 多分四月分言 今天降禍於齊國不加寡人而加夫子齊國之社稷危 為運下車而趨知不若車之速則又乗比至於國者四 齊景公游於養聞晏子卒公乗與素服驛而驅之自以 之臣撞無紂非撞吾君也文侯曰釋之是寡人之過也 人不遗尺寸寡人猶且淫決而不收怨罪重積於百姓 矣百姓將誰告矣 下而趨行哭而往矣至伏屍而號曰子大夫日夜責寡

今日之言章為君我為臣是時海人入魚公以五十乗 唱善者岩出一口弦章對曰此諸臣之不肖也知不足 失晏子於今十有七年未當聞吾過不善今射出質而 善若出一口公作色太息播弓矢弦章入公曰章自吾 聞之君好之則臣服之君嗜之則臣食之夫尺蠖食黄 晏子没十有七年景公飲諸大夫酒公射出質堂上唱 則其身黃食着則其身着君其猶有蹈人言乎公曰善 以知君之不善勇不足以犯君之顏色然而有一馬臣

所以宜事也如此者春秋不予能君而夷狄之鄭伯惡 辭魚不受君子曰弦章之亷乃晏子之遺行也夫天之 見於衆而受若魚是及晏子之義而順豁缺之欲也固 為人君行其私欲而不顧其人是不承天意忘其位之 生人也蓋非以為君也天之立君也蓋非以為位也夫 若魚者也昔者晏子辭賞以正君故過失不掩今諸臣 賜弦章歸魚来塞塗撫其御之手曰曩之唱善者皆欲 **稻諛以干利故出質而唱善如出一口今所輔於君未**

多定 四庫全書

火芝四年全 萬夫之命而傷一人之死奚其遇也其臣已無道矣其 萬夫之性非所以立君也其身死自取之也今君不爱 齊人就其君魯襄公援戈而起回孰臣而敢殺其君平 春秋此之謂也 省惟既以失實心矣因知之故曰有國者不可以不學 師懼曰夫齊君治之不能任之不肖縱一人之欲以產 君亦不足惜也 一人而兼棄其師故有夷狄不君之辭人主不以此自 說她

尊君甲臣者以勢使之也夫勢失則權傾故天子失道 春致其時萬物皆及生君致其道萬人皆及治周公戴 王季為父以太任為母以太如為妃以武王周公為子 則諸侯尊矣諸侯失政則大夫起矣大夫失官則無人 已而天下順之其誠至矣 其國以正天下伐無道刑有罪一動天下正其事正矣 以泰賴閱天為臣其本美矣武王正其身以正其國正

多りいある日

孔子曰文王似元年武王似春王周公似正月文王以

筦子曰權不兩錯政不二門故曰脛大於股者難以故 相虧也猶水火之相滅也人君不可不察而大盛其臣 與美由是觀之上不失而下得者未當有也 指大於臂者難以把本小末大不能相使也 孔子曰夏道不亡商徳不作商徳不亡周徳不作周徳 司城子罕相宋謂宋君曰國家之危定百姓之治亂在 不亡春秋不作春秋作而後君子知周道七也故上下 下此私門盛而公家毀也人君不察馬則國家危殆矣


欠己日年二十

題花

與子军刑罰國人知刑戮之威事在子军也大臣親之 寡人行其善吾知不為諸侯笑矣於是宋君行賞賜而 禄不可不慎也夫賞賜讓與者人之所好也君自行之 當則賢人不勘姦人不止姦邪比周欺上蔽主以争爵 君行之賞罰也賞當則賢人勸罰得則姦人止賞罰不 刑罰殺戮者人之所惡也臣請當之君曰善子主其惡 而彊大夫老子曰魚不可脱於淵園之利器不可以借 百姓附之居期年子罕逐其君而專其政故曰無弱君

金牙四月白雪

<u>-</u>	說花	1	一八二日 四八十三
	*		-
	en e	rados karakatanikindapisates	
		:	
			人此之謂也



处正日臣在島 者禍福之門也何謂六正六邪六正者一曰萌牙未動 臣之行有六正六邪行六正則祭犯六邪則辱夫祭辱 欽定四庫全書 必有益於國必有補於君故其身尊而子孫保之故 人臣之術順從而後命無所敢專義不的合位不当尊 說苑卷二 臣街 說苑 漢 劉向 撰

家社稷宗廟如此者忠臣也四曰明察幽見成敗早防 其勞如此者良臣也三曰甲身賤體夙與夜寐進賢不 解數稱於往古之德行事以厲主意無幾有益以安國 策将順其美匡救其惡功成事立歸善於君不敢獨伐 臣也二曰虚心白意進善通道勉主以禮韶諭主以長 之前使主超然立乎顯樂之處天下稱孝馬如此者聖 而救之引而復之塞其間絕其源轉禍以為福使君然 形兆未見昭然獨見存亡之幾得失之要預禁乎不然

金少世屋と

世沉浮上下左右觀望如此者具臣也二曰主所言皆 其智藏其能主飢於論渴於策猶不肯盡節容容乎與 六正也六邪者一曰安官貪禄營於私家不務公事懷 失不辭其誅身死國安不悔所行如此者直臣也是為 讓賜不受贈遺衣服端齊飲食節儉如此者貞臣也六 以無憂如此者智臣也五曰守文奉法任官職事辭禄 曰國家昏亂所為不道然而敢犯主之顏面言主之過

大己日臣心事

說能

口善主所為皆曰可隱而求主之所好即進之以快主

勢擅為主命以自貴顯如此者賊臣也六曰諂言以邪 主妄行過任賞罰不當號令不行如此者姦臣也四日 進則明其美而隱其惡所欲退則明其過而匿其美使 抬國事以為輕重於私門成黨以富其家又後增加威 內之親外好亂朝廷如此者讒臣也五曰專權擅勢持 智足以飾非辯足以行説及言易辭而成文章内離骨 三日中實頗除外容貌小謹巧言令色又心嫉賢所欲 耳目偷合的容與主為樂不顧其後害如此者諛臣也 とこり 時人計 曰三公者知通於大道應變而不窮辯於萬物之情通 湯問伊尹曰三公九卿大夫列士其相去何如伊尹對 然使主惡布於境內閣於四隣如此者亡國之臣也是 復異其言語使白黑無别是非無間伺候可推而因附 墜主不義朋黨比周以蔽主明入則辯言好辭出則更 於天道者也其言足以調陰陽正四時節風雨如是者 謂六邪賢臣處六正之道不行六邪之術故上安而下 治生則見樂死則見思此人臣之術也 説苑

實於府庫如是者舉以為大夫故大夫之事常在於仁 事行猶舉絕不傷於言言之於世不害於身通於關深 通能利不能利如是者舉以為九卿故九卿之事常在 時通於溝渠修限防樹五穀通於地理者也能通不能 舉以為三公故三公之事常在於道也九卿者不失四 疆諫而無有姦許去私立公而言有法度如是者舉以 也列士者知義而不失其心事功而不獨專其賞忠政 於徳也大夫者出入與民同眾取去與民同利通於人

多分四屋台書

順也 也大夫者所以祭九卿也列士者所以祭大夫也故祭 伊尹對曰三公者所以泰五事也九卿者所以泰三公 湯問伊尹曰古者所以立三公九卿大夫列士者何也 不名先王之臣臣而不名盛德之士臣而不名是謂大 尹對曰君之所不名臣者四諸父臣而不名諸兄臣而 下正凡此四者明王臣而不臣湯曰何謂臣而不臣伊 為列士故列士之事常在於義也故道德仁義定而天

欽定四車全書

設光

進也魏文侯且置相台李克而問馬曰寡人將置相置 之進筦仲也聞子皮之進子產也未開筦仲子產有所 賢耶用力為賢耶子貢曰進賢為賢子曰然吾聞鮑叔 鄭無子產乎子曰賜汝徒知其一不知其二汝聞進賢為 者齊有鮑叔鄭有子皮賢者也子貢曰然則齊無筦仲 子貢問孔子曰今之人臣孰為賢孔子曰吾未識也往 於季成子與翟觸我熟置而可孝克曰臣聞之賤不謀 而有祭是謂事宗事宗不失外內若 CHAIR NO. THE PARTY OF THE PART

とこの Main 1 豈與我比周而求大官哉君問相於我臣對曰君不察 知果熟為相孝克曰季成子為相程黄作色不說日觸 定矣李克出過程黃程黃問曰吾問君問相於先生未 貴外不謀內碌不謀親臣者碌賤不敢聞命文侯曰此 失望於先生李克曰子何遽失望於我我於子之君也 所不為由此觀之可知矣文侯曰先生出矣寡人之相 知矣貴視其所舉富視其所與貧視其所不取窮視其 國事也願與先生臨事而勿辭孝克曰君不察故也可 說乾

樂羊無使治之臣吾進先生無使傅其子吾進屈侯鮒 彼其所舉人主之師也子之所舉人臣之才也程黃作 觸何員於季成子李克曰不如季成子季成子食米千 之守觸所任也計事內史觸所任也王欲攻中山吾進 是知季成子為相程黃不說曰觸何遽不為相乎西河 所不為由此觀之可知也君曰出矣寡人之相定矣以 故也貴視其所舉富視其所與貧視其所不取窮視其 鍾什九居外一居中是以東得上子夏田子方段干木

多分四母生書

楚今尹死景公遇成公乾日今尹将馬歸成公乾日殆 シンフはから 與弱狗其知甚少而子玩之傷夷子皮曰侍於屈春損 少屈春資多子義複天下之至憂也而子以為友鳴鶴 出三月也 然而斬曰觸失對於先生請自修然後學言未卒而左! 於屈春乎景公怒曰國人以為歸於我成公乾曰子資 右言季成子立為相矣於是程黃默然變色內慚不敢 順為友二人者之智足以為今尹不敢專其智而委之 N.

道俠下抵車而待之程黃至而睹其子方也下車而超 剑穴四母全重 正逢先生子方曰何子賜車舉之厚也程黄對曰昔者 所以赐臣也積三十歲故至於此時以問服祖之曠野 自投下風曰觸田子方曰子與吾然者望子疑以為人君 田子方渡西河造程黃程黃乗軒車載華蓋黃金之勒 屈春故曰政其歸於屈春乎 也于至而人臣也将何以至此乎程黄對曰此皆君之 約鎮節席如此者其腳八十乗子方望之以為人君也

12. 11. 2 2. E.T. 19 敬者也臣之所進者皆守職守禄之臣也何以至魏國 木而君友之進先生而君敬之彼其所進師也友也所 對曰君母弟有公孫季成者進子夏而君師之進段干 子方曰可子勉之矣魏國之相不去子而之他矣程黄 而魏國大治是以進此五大夫者爵禄倍以故至於此 攻中山臣進樂羊而中山拔魏無使治之臣臣進李克 豹而魏無趙患酸棗無令臣進北門可而魏無齊憂魏欲 西河無守臣進吳起而西河之外寧鄰無令臣進西門 設施

多定匹库全書 之謂左右曰來者何為者也左右曰成侯卿也王曰國 齊威王遊於瑶臺成侯卿來奏事從車羅綺甚衆王望 相乎子方曰吾聞身賢者賢也能進賢者亦賢也子之 之盛也成侯卿曰赦其死罪使臣得言其說王曰諾對 者有以易之也王試問其說成侯卿至上謁曰忌也王 至貧也何出之盛也左右曰與人者有以責之也受人 五舉者盡賢子勉之矣子然其次也 不應又曰思也王不應又曰思也王曰國至貧也何出

处己可見 公司 重道遠以險而牛何以肥也對曰臣飲食以時使之不 秦穆公使買人載鹽後諸買人買人買百里奚以五段 羊之皮使將車之泰秦務公觀鹽見百里奚牛肥曰任 王枕而即耳何患國之貧哉 郭刁勃子為大士而九族益親民益富舉此數良人者 趙人給盛忌舉田種首子為即墨而於齊足究忌舉北 而差人抱羅綺而朝忌舉點涿子為冥州而無人給性 曰忌舉田居子為西河而秦梁弱忌舉田解子為南城 設施

請以讓之公不許公孫支曰君不用實相而得社稷之 僻民陋以愚無知危亡之本也臣自知不足以處其上 拜而受明日公孫支乃致上卿以讓百里奚曰秦國處 為以賀曰君得社稷之聖臣敢賀社稷之福公不辭再 乎公曰然吾悦夫奚之言彼類聖人也公孫支遂歸取 有司具沐浴為衣冠與坐公大悦異日與公孫支論政 以暴有險先後之以身是以肥也穆公知其君子也令 公孫支大不寧曰君耳目聰明思應審察君其得聖人

金万四周台章

止簡主曰董安于在後吏曰此三軍之事也君奈何以 趙簡子從晉陽之邯鄲中路而止引車吏進問君何為 次卿以佐之也 退不肖君之明也今臣處位廢君之德而逆臣之行也 臣將逃公乃受之故百里奚為上卿以制之公孫支為 禄矣而使臣失禄可乎請終致之公不許公孫支曰臣 聖臣君之禄也臣見賢而讓之臣之禄也今君既得其 不肖而處上位是君失倫也不肖失倫臣之過進賢而

銀定匹庫全書 故身供國安御史大夫周昌曰人主誠能如趙簡主朝 對回此安于之所為後也簡主可謂內省外知人矣哉 令人載之對曰此安于之所為後也簡主曰行人燭過 安于適至簡主曰秦道之與晉國交者吾忘令人塞之 年長矣言未當不為晉國法也吾行忘令人辭且聘馬 董安于曰此安于之所為後也簡主曰官之實壁吾忘 不危矣 一人留三軍也簡主曰諾驅之百步又止吏将進諫董

次定四軍全書 出亡不送君曰裂地而封之疏爵而貴之吾有難不死 齊候問於晏子曰忠臣之事其君何若對曰有難不死 謂社稷之臣對曰社稷之臣能立社稷辨上下之宜使 晏子侍於景公朝寒請進熱食對曰嬰非君之厨養臣 方自是之後君不以禮不見晏子也 得其理制百官之序使得其宜作為辭令可分布於四 也敢解公曰請進服来對曰嬰非田澤之臣也敢解公 曰然夫子於寡人奚為者也對曰社稷之臣也公曰何 說苑

於臣足矣晏子出公使深丘據遺之幹車乗馬三返不 晏子朝乗城車駕駕馬景公見之曰嘻夫子之禄寡耶 國交游皆得生馬臣得暖衣飽食飲車為馬以奉其身 馬謀而見從終身不亡臣何送馬若言不見用有難而 出亡不送可謂忠乎對曰言而見用終身無難臣何死 何来不任之甚也晏子對曰賴君之賜得以壽三族及 臣者能納善於君而不能與君陷難者也 死之是妄死也諫而不見從出亡而送是許為也故忠

車而駕爲馬以朝是隱君之賜也公曰語酌者奉觞而 景公飲酒陳桓子侍望見晏子而後於公曰請浮晏子 顧其行者臣無以禁之遂讓不受也 乗晏子對曰君使臣臨百官之吏節其衣服飲食之養 受公不悦趣名晏子晏子至公曰夫子不受寡人亦不 乗馬君乗之上臣亦乗之下民之無義侈其衣食而不 以先齊國之人然猶恐其侈靡而不領其行也今輅車 公曰何故也對曰晏子衣緇布之衣麋鹿之来棧較之

少年四事全書

金グロろろ言 賢臣有受辱賜而不顧其國族則過之臨事守職不勝 萬以富其家嬰不敢為富受也為通君賜也臣聞古之 進之曰君命浮子晏子曰何故也陳桓子曰君賜之卿 駕駕馬以朝則是隱君之賜也故浮子晏子避席曰請 位以尊其身寵之百萬以富其家羣臣之爵莫尊於子 卿位以顯其身嬰不敢為顯受也為行君令也龍之百 飲而後辭乎其辭而後飲乎公曰辭然後飲晏子曰君賜 禄莫厚於子今子衣緇布之衣麋鹿之表棧較之車而

君之賜乎彰君之賜乎公曰善為我浮桓子也 凍餒者國之簡士待臣而後舉火者數百家如此為隱 之黨無不乗車者母之黨無不足於衣食者妻之黨無 者此臣之罪也兵革不完戰車不修此臣之罪也若夫 其任則過之君之內隸臣之父兄若有離散在於野鄙 者此臣之罪也君之外隸臣之所職若有播亡在四方 做車為馬以朝主者非臣之罪也且臣以君之賜臣父

九三日日 八十

認花

晏子方食君之使者至分食而食之晏子不飽使者逐

以為忠退不克下以為康八升之布一豆之食足矣使 言之景公景公曰嘻夫子之家若是其貧也寡人不知 而藏之是筐篋存也仁人不為也厚取之君而無所施 之君而厚施之人代君為君也忠臣不為也厚取之君 以振百姓君之賜也厚矣嬰之家不質也嬰聞之厚取 拜而辭曰嬰之家不負以君之賜澤覆三族延及交游 之身死而財遷智者不為也嬰也聞為人臣進不事上 也是寡人之過也令吏致干家之縣一於晏子晏子再

亡去亡其有何死亡矣從命利君為之順從命病君為 七吾不亡陳成子曰然子何以與常對曰未死去死未 者三返遂解不受也 之諛逆命利君謂之忠逆命病君謂之亂君有過不諫 陳成子謂鴻夷子皮曰何與常也對曰君死吾不死君

尼三可見八言 去之謂之諫用則可生不用則死謂之諍有能比和同 諍将危國預社稷也有能盡言於君用則留之不用則 力率羣下相與疆矯君君雖不安不能不聽遂解國之 說死

之命及君之事竊君之重以安國之危除主之辱攻伐 多分四是分量 其功闇君畏賢妬能而滅其業罰其忠而賞其賊夫是 也明君之所尊禮而闍君以為已賊故明君之所賞閣 大患除國之大害成於尊君安國謂之輔有能亢君之 君之所殺也明君好問闇君好獨明君上賢使能而享 足以成國之大利謂之獨故諫諍輔弼之人社稷之臣 之謂至聞無料之所以亡也詩云自是莫聽大命以傾

以逐之也 高統任於晏子晏子逐之左右諫曰高統之事夫子三 曰君子哉尹綽面訾不譽也 醜而不愛君之過也臣愛君之過而不愛君之醜孔子! 中綽也不爱我諫我必於衆人中尹綽曰殿也爱君之 簡子有臣尹綽赦厥簡子曰厥爱我諫我必不於衆人 年曾無以爵位而逐之其義可乎晏子曰嬰及陋之人 也四維之然後能直今此子事吾三年未當弼吾過是 說乾 † 땀


子貢問孔子曰賜為人下而未知所以為人下之道也 人贵而不能為人上賤而盖為人下此姦人之心也身 甘泉出馬草木植馬禽獸育馬生人立馬死人入馬多 不離姦心而行不離姦道然而求見譽於衆不亦難乎 孔子曰為人下者其猶土乎種之則五穀生馬掘之則 孫卿曰少事長賤事貴不肖事賢此天下之通義也有 其功而不言為人下者其猶土乎 公叔文子問於史叟曰武子勝事趙簡子久矣其龍不

銀定匹庫全書

泰誓曰附下而罔上者死附上而罔下者刑與開國政 見其龍君賜之禄知足而辭故能久也 善而無惡也故傳曰傷善者國之殘也敬善者國之證 而無益於民者退在上位而不能進賢者逐此所以勸 致敏以惡貌而疏之則恭而無怨色入與謀國家出不 解奚也史叟曰武子勝博開多能而位賤君親而近之 ノ・フシーニー 王制曰假於鬼神時日卜筮以疑於衆者殺也子路為 也勉無罪者國之賊也 锐苑 **于**

|欽定匹库全書 蒲令備水災與民春修溝瀆為人煩苦故子人一單食 義也速已則可矣否則爾之受罪不久矣子路心服而 止之何也夫子止由之行仁也夫子以仁教而禁其行 之而民多匱於食故與人一單食一壺漿而夫子使賜 子曰由也以暴雨将至恐有水災故與人修溝瀆以備 仁也由也不受子曰爾以民為餓何不告於君發倉原 以給食之而以爾私饋之是汝不明君之惠見汝之德 一壺漿孔子開之使子貢後之子路忽然不悦往見夫

-	MOUNTAINE !		Topological Supplement	Name of Street	
欽定四庫全書					退也
7					
. 斑					
					_
+ 5.					



飲定四庫全建

就免卷三五

詳校官侍讀學士臣 流成熙 編修日程嘉其覆勘

勝绿監生日謝式南校對官編修日終 晉

産差以十里是故君子貴建本 月正君者無危國易口建 夫本不正者末必倚始 流既清本立而道生 劉向 撰

欽定匹庫全書 選大夫不兼官執民柄者不在一族可謂不權勢矣此 言士而一見庶人有謁必達公族請問必語四方至者 始奈何曰正之正之奈何曰明智智不明何以見正多 魏武侯問元年於吳子吳子對曰言國君以慎始也慎 勿距可謂不壅蔽矣分禄必及用刑必中君心必仁思 聞而擇馬所以明智也是故古者君始聽治大夫而 而重立始 君之利除民之害可謂不失民衆矣君身必正近臣必

本治政有理矣而農為本居國有禮矣而嗣為本生才 說無務修遠是以及本修邇君子之道也天之所生地 外交事無終始無務多業聞記不言無務多談比近不 有時矣而力為本置本不固無務豐末親戚不悅無務 而孝為本處喪有禮矣而哀為本戰陣有隊矣而勇為 孔子曰行身有六本本立馬然後為君子立體有義矣 皆春秋之意而元年之本也

たこうにといます !

説苑

之所養莫貴乎人人之道莫大乎父子之親君臣之義

生之教誨以成之養其誼藏其偽時其節慎其施子年 從命者惟言親者也故親之所安子皆供之賢臣之事 事親以積徳子者親之本也無所推而不從命推而不 君也受官之日以主為父以國為家以士人為兄弟故 超走進退容貌不停乎目早體賤身不悖乎心君子之 七歲以上父為之擇明師選良友勿使見惡少漸之以 善使之早化故賢子之事親發言陳辭應對不悖乎耳 父道聖子道仁君道義臣道忠賢父之於子也慈惠以

子路曰負重道速者不擇地而休家貧親老者不擇禄 成於內而嘉號布於外是謂建之於本而祭華自茂矣 而仕昔者由事二親之時常食黎薰之實而為親負米 其本榮華稿矣 君以臣為本臣以君為本父以子為本子以父為本棄 相為本如循環無端夫子亦云人之行莫大於孝孝行 其義故其君亦有助之以遂其徳夫君臣之與百姓轉 尚有可以安國家利民人者不避其難不憚其勞以成

而仕也 伯禽見商子曰某其也日吾二子者朝乎成王見周公 駭色謂伯禽曰有商子者賢人也與子見之康叔封與 霜露不使賢者欲養二親不待故曰家貧親老不擇禄 伯禽與康叔封朝於成王見周公三見而三答康叔有 **茵而坐列鼎而食願食藜藿為親員米之時不可復得** 也枯魚街索發何不盡二親之壽忽如過隙草木欲長 百里之外親没之後南遊於楚從車百乗積栗萬鍾界

欽定四庫全書

實而仰及以告乎商子商子曰橋者父道也商子曰二 者子道也二子者明日見乎周公入門而趙登堂而跪 乎南山之陰見梓勃馬實而俯及以告商子商子曰梓 子盡相與觀乎南山之陰有木馬名曰梓二子者往觀 之陽有水馬名曰橋二子者往觀乎南山之陽見橋竦馬 三見而三笞其説何也商子曰二子盍相與觀乎南山 周公曰君子哉商子也 周公拂其首勞而食之曰安見君子二子對曰見商子

C.17 101 /145

說乾

事父也索而使之未當不在側求而殺之未當可得小 體而不去殺身以陷父不義不孝就是大乎汝非天子 自子去瓜而誤斬其根自哲怒援大杖擊之自子仆地 **筆則待大筆則走以逃暴怒也今子委身以待暴怒立** 無罪使人謝孔子孔子曰汝聞瞽叟有子名曰舜舜之 知其平也孔子聞之告門人曰參來勿內也曾子自以 教参得無疾乎退屏鼓琴而歌欲令自晳聽其歌聲令 有項蘇魔然而起進曰曩者參得罪於大人大人用力

多分四月有量

成人有徳小子有造大學之教也時禁於其未發之曰 父母怒之作於意見於色下也 使可哀憐上也父母怒之不作於意不見其色其次也 是以立故曰父母怒之不作於意不見於色深受其罪 立何也對曰他日俞得罪笞**當痛今母之力不能使痛** 伯俞有過其母答之泣其母曰他日答子未當見泣今 之民邪殺天子之民罪奚如以曾子之材又居孔子之 門有罪不自知處義難乎 逆矩

必愚愚者妄行愚者妄行不能保身孟子曰人皆知以 難成雜施而不遜則壞亂而不治獨學而無友則派恆 之幼稱童家之時非求師正本無以立身全性夫幼者 周召公年十九見正而冠冠則可以為方伯諸便矣人 而相從執質有族以文 而寡聞故曰有昭辟雅有賢泮宫田里周行濟濟銷銷 預當其可之曰時相觀而善之曰磨學不陵節而施之 口馴發然後禁則扞格而不勝時過然後學則勤苦而

對方四母全書

情死有遺業生有祭名此皆人材之所能建也然莫能 得失以觀禍福設義立度以為法式窮追本末究事之 賢大夫學問講辯日以自虞疏遠世事分明利害籌策 也然晚世之人莫能問居心思鼓琴讀書追觀上古友 祥乎塵埃之外卓然獨立起然絕世此上聖之所遊神 道之要觀始卒之端覽無外之境逍遙乎無方之內彷 修其性令人誠能砥礪其材自誠其神明睹物之應通 食愈飢莫知以學愈愚故善材之切者必勤於學問以 雖利非人力不能自斷馬烏號之弓雖良不得排弊不 辟立非我也而可以属心夫問訊之士日夜興起属中 者崇名立身之本也儀状齊等而飾貌者好質性同倫 原也何以立躯也騏驥雖疾不遇伯樂不致千里干将 博察以垂然名而不好問訊之道則是伐智本而塞智 益知以分别理是故處身則全立身不殆士茍欲深明 而學問者智是故砥礪琢磨非金也而可以利金詩書 為者偷慢懈惰多暇日之故也是以失本而無名夫學

欽定四庫全書

者也親賢學問所以長徳也論交合友所以相致也詩 積小之能大者其惟仲尼乎學者所以及情治性盡才 之道也中庸曰好問近乎智力行近乎仁知恥近乎勇 至馬千金之来非一派之皮臺廟之粮非一木之枝先 能自任人才雖高不務學問不能致里水積成川則蛟 王之法非一士之智也故曰訊問者智之本思應者智 云如切如瑳如琢如磨此之謂也 龍生馬土積成山則豫棒生馬學積成聖則富貴尊題

朦於心者也如此人者骨肉不親也秀士不友也此三 非儒者曰何以儒為如此人者是非本也譬猶食穀衣 教儒者受之傳之以教誨於後世今夫晚世之惡人友 食於釜觀須以生活而非陶冶者也此言違於情而行 知尊其君內有男女之别外有朋友之際此聖人之德 知構室屋以避暑雨界臺樹以避潤濕入知親其親出 緑而非耕織者也載於船車服而安之而非工匠者也

欽定四庫全書

今夫辟地殖穀以養生送死銳金石雜草藥以攻疾各

一性止溫也 孟子曰人知糞其田莫知糞其心糞田莫過利苗得栗 代之棄民也人君之所不赦也故詩云投界豺虎豺虎 たこの町白島 思不若學之速吾當政而望不若登高之博見故順風 糞心易行而得其所欲何謂糞心博學多聞何謂易行 不食投界有北有北不受投界有昊此之謂也 而呼聲不加疾而聞者衆登丘而招臂不加長而見者 子思曰學所以益才也礪所以致刃也吾當幽處而深 說花

金万匹石人 立夫遠而有光者飾也近而逾明者學也譬之如污池 無根無根則失理失理則不忠不忠則失禮失禮則不 足觀也其勇力不足憚也其先祖不足稱也其族姓不 遠故魚乗於水鳥乗於風草本乗於時 足道也然而可以開四方而的於諸侯者其惟學乎詩 孔子曰可以與人終日而不倦者其惟學乎其身體不 孔子曰鯉君子不可以不學見人不可以不飾不飾則 回不您不亡率由舊章夫學之謂也

J. 17.2 1.11 盲臣安敢戲其君乎臣聞之少而好學如日出之陽壮 晉平公問於師曠曰吾年七十欲學恐已暮矣師曠曰 富者傲生而富貴又無鑑而自得者鮮矣春秋國之鑑 何不炳燭乎平公曰安有為人臣而戲其君乎師曠曰 保其社稷者甚衆未有不先見而後從之者也 也春秋之中弑君三十六七國五十二諸侯奔走不得 公扈子曰有國者不可以不學春秋生而尊者驕生而 随拖

水潦注馬菅蒲生之從上觀之知其非源也

譬如火馬夫捨學聖王之道若捨日之光何乃獨思若 深丘據謂晏子曰吾至死不及夫子矣晏子曰嬰聞之 火之明也可以見小耳未可用大知惟學問可以廣明 孰與昧行乎平公曰善哉 而好學如日中之光老而好學如炳燭之明炳燭之明 徳慧也 為者常成行者常至嬰非有異於人也常為而不置常 河間獻王曰湯稱學聖王之道者譬如日馬靜居獨思

多方匹库全書

十五歲人将你吾将不休人将即吾不敢即十三歲學 Cal Dial Ai sho 也而百里不止今霸越之材而久不止其為諸侯師豈 此苦也友曰莫如學學二十年則可以達矣齊越曰請 **霉越中年鄙人也苦耕之勞謂其友曰何為而可以免** 而周威公師之夫走者之速也而過二里止步者之逐 孔子謂子路曰汝何好子路曰好長劒孔子曰非此之 不宜哉 說苑

行而不休者故難及也

徳狂馬不釋其策操弓不返於弊木受繩則直人受諫 犀華又何學為乎孔子曰括而羽之鏃而砥礪之其入 則聖受學重問熟不順成毀仁惡士且近於刑君子不 有益乎孔子曰夫人君無諫臣則失政士無教友則失 問也請以汝之所能加之以學豈可及哉子路曰學亦 子路問於孔子曰請釋古之學而行由之意可乎孔子 不益深乎子路拜曰敬受教哉 可以不學子路曰南山有竹弗揉自直斬而射之通於

多方四月台書

アニフラ ハーヨー 製苑 豐墙境下未必崩也流行潦至壤必先矣樹本淺根垓 國不崇仁義不尊賢臣未必亡也然一旦有非常之變 釋古之學而行子之意庸知子用非為是用是為非乎 弟娶妻而美好請與兄易忠則忠矣然非禮也今子欲 壻終身不嫁不嫁則不嫁矣然非貞節之義也**蒼梧之** 曰不可昔者東夷慕諸夏之義有女其夫死為之內私 不深未必橛也飄風起暴雨至拔必先矣君子居於是 不順其初雖欲悔之難哉

於末也 車馳人走指而禍至乃始乾喉燋脣仰天而嘆庶幾馬 多好四月全書 老之前知謀無以異乎幼之時可好之色彬彬乎且盡 虞君問盆成子曰今工者久而巧色者老而衰令人不 無及矣詩曰啜其泣矣何嗟及矣言不先正本而成憂 天其救之不亦難乎孔子曰不慎其前而悔其後雖悔 及壯之時益積心技之術以備将衰之色色者必盡平 洋乎安託無能之驅哉故有技者不界身而未當滅

大三日日 江島 仲曰所謂天者非謂養養莽恭之天也君人者以百姓 心所以安也尚書五福以富為始子貢問為政孔子曰 教者國家所以昌熾士女所以姣好禮義所以行而人 為天百姓與之則安輔之則疆非之則危背之則亡詩 齊桓公問管仲曰王者何貴曰貴天桓公仰而視天管 而色不得以常找 河間獻王曰管子稱倉廪實知禮節衣食足知榮辱夫 云人之無良相怨一方民怨其上不遂亡者未之有也 說此

出而告之僕僕頓首於較曰吕刑云一人有慶兆民賴 墙壞而不築公曰何不築對曰一日不稼百日不食公 老臣也公曰西益而宅對曰臣之忠不如老臣之力其 富之既富乃教之也此治國之本也 楚恭王多寵子而世子之位不定屈建曰楚必多亂去 宅板築以時無奪農功 文公見各季其廟傅於西墙公曰親處而西對曰君之 之君之明羣臣之福也乃令於國曰母治宫室以妨人

請立確雅長出在泰秦大足以為援賈季曰不若公子 晉襄公薨嗣君少趙宣子相謂大夫曰立少君懼多難 今尹圍公子奪疾之亂也 則撓亂猶免走也恭王聞之立康王為太子其後猶有 子而嫡位無主亂自是生美夫世太子者國之基也而 則一免走使萬人擾分已定則雖貪夫知止今楚多罷 百姓之望也國既無基又使百姓失望絕其本矣本絕 , 免走於街萬人追之一人得之萬人不復走分未定 逆矩

長君立而少君壯難乃至矣宣子患之遂立太子也 太子以呼於庭曰先君奚罪其嗣亦奚罪舍嫡嗣不立 樂樂有龍於國先君愛而仕之程程足以為接穆嬴抱 趙簡子以襄子為後董安于曰無恤不才今以為後何 而灌襄子之首大夫請殺之襄子曰先君之立我也曰 也簡子曰是其人能為社稷恐辱異日智伯與襄子飲 而外求君乎出朝抱以見宣子曰惡難也故欲立長君 能為社稷忍辱豈曰能刺人哉處十月智伯園襄子於

多灾匹库全

説苑卷三				
				* <u> </u>
The same pair seasonage				

マン・しり・1 ハード 理而不議死地故能身死名流於來世非有勇斷熟能 非名豈不痛哉士有殺身以成仁觸害以立義倚於節 士君子之有勇而果於行者不以立節行詛而以妄死 行之子路曰不能勤苦不能恬貧窮不能輕死亡而曰 欽定四庫全書 說苑卷四 立節 說苑 漢 劉向 撰

君子其誰能行之哉王子比干殺身以成其忠伯夷叔 餓死于首陽而志逾彰不輕死亡安能行此故夫士欲 卿不恬貧窮安能行此比干将死而諫愈忠伯夷叔齊 哭不絕聲遂以存楚不能勤苦安能行此自子布衣緼 我能行義吾不信也昔者申包胥立於秦庭七日七夜 而後能成之詩曰彼其之子碩大且萬非良篤修激之 立義行道母論難易而後能行之立身著名無額利害 袍未得完糟糠之食藜藿之羹未得飽義不合則解上

|動灾匹库全書

火足四事之島 富貴而樂貧賤也由其道遵其理尊貴及已士不幹也 息雖無道之世不能污馬然則非好死而惡生也非惡 所形者天下舉忠而士不與馬舉信而士不與馬舉兼 身以遂其行因此觀之甲賤貧窮非士之恥也夫士之一 其身哉以為夫義之不立名之不著是士之恥也故殺 齊殺身以成其康此三子者皆天下之通士也豈不愛 孔子曰富而可求雖執鞭之士吾亦為之而不可求從 而士不與馬三者在乎身名傳於後世與日月並而不

衆矣夫子何為不軾孔子曰丘聞之國亡而不知不智 **楚伐陳陳西門燔因使其降民修之孔子過之不軾子** 席不可卷也言不失已也能不失已然後可與濟難矣 吾所好大聖之操也詩云我心匪石不可轉也我心匪 金少世五人言 知而不争不忠忠而不死不康今陳修門者不行一於 路曰禮過三人則下車過二人則較今陳修門者人數 此士君子之所以越衆也 此丘故不為軾也

受自子曰臣聞之受人者畏人子人者驕人縱君有賜 弟子曰吾聞君子當功以受禄令説景公景公未之行 孔子見齊景公景公致康丘以為養孔子辭不受出謂 以全其節也子思居於衛縕袍無表二旬而九食田子 復往又不受使者曰先生非求於人人則獻之奚為不 以耕魯君使人往致邑馬曰請以此修衣魯子不受及 不我騙也我能勿畏乎終不受孔子聞之曰參之言足 而賜我廪丘其不知丘亦甚矣遂辭而行曾子衣弊衣

宋襄公兹父為桓公太子桓公有後妻子曰公子目夷 方聞之使人遺孤白之表恐其不受因謂之曰吾假 愛臣若終立則不可以往絕迹於衛是背母也且臣自 立臣為之相兄以佐之公曰何故也對曰臣之舅在衛 壑仮雖貧也不忍以身為溝壑是以不敢當也 子無何故不受予思曰仮聞之妄與不如遺棄物於溝 遂忘之吾與人也如棄之子思辭而不受子方曰我有 公爱之兹父為公爱之也欲立之請於公曰請使目夷

敏定四庫全書

夷歸也 中生曰為此者非子之罪也子胡不進解解之必免於 晉號姬楷太子申生於獻公獻公将殺之公子重耳謂 使我以憂死也兹父乃及公復立之以為太子然後目 之衛兹父從之三年桓公有疾使人召兹父若不來是 而兄在下不義也不義而使目夷為之目夷将逃乃逃 知不足以處目夷之上公不許殭以請公公許之将立 公子自夷目夷解曰兄立而弟在下是其義也今弟立

次足四草在書

說苑

甚 矣夫世子詩曰姜兮斐兮成是貝錦彼替人者亦已太 逃死如是者吾以身當之遂伏劒死君子聞之曰天命 困於逃是重吾惡也吾聞之忠不暴君智不重惡勇不 君也夫彰父之過而取美諸侯孰肯納之入困於宗出 不辭則不若速去矣申生曰不可去而免於死是惡吾 姬寢不安席食不甘味如何使吾君以恨終哉重耳曰 罪申生曰不可我辭之驟姬必有罪矣吾君老矣微驟

金万口及人門

歸自殺 楚平王使奮揚殺太子建未至而遣之太子奔宋王召 之韶今事終矣與其久生亂世也不若死而報太子乃 夫人而國多憂狐哭稱疾不出六年獻公以諸誅太子 復事獻公三年獻公卒孤突辭於諸大夫曰突受太子 以輔吾君申生受賜以死不恨再拜稽首而死狐哭乃 太子将死使人謂孤突曰吾君老矣國家多難傳 晉獻公之時有士馬曰狐突傅太子申生公立驟姬為

欽定匹庫全書 彌晨往則寢門闢矣宣子盛服将朝尚早坐而假寝之 晉靈公暴趙宣子縣諫靈公患之使銀之彌賊之銀之 奮揚使城父人執之以至王曰言出於子口入於 爾耳 無所入王乃赦之 曰而敢來何也對曰使而失命召而不來是重過也逃 传不能貳也奉初以還故遣之已而悔之亦無及也王 誰告建也對曰臣告之王初命臣曰事建如事余臣不 退數而言曰不忘恭敬民之主也賊民之主不忠棄

欽定四庫全書 相申鳴解不受其父曰王欲相汝汝何不受乎申鳴對 楚有士申鳴者在家而養其父孝聞於楚國王欲授之 吾将舉大事於國願與子共之子蘭子曰我事子而與 君之命不信有一於此不如死也遂觸槐而死 曰舎父之孝子而為王之忠臣何也其父曰使有禄於 故不與子殺君以成吾義契領於庭以遂吾行 子殺君是助子之不義也畏患而去子是道子於難也 齊人有子蘭子者事白公勝勝将為難乃告子蘭子曰 . 謎 , 苑

者天下之孝子也往劫其父以兵申鳴聞之必來因與 其難乎遂解而往因以兵圍之白公謂石乞曰申鳴者 夫仕者身歸於君而禄歸於親今既去子事君得無死 之語白公曰善則往取其父持之以兵告申鳴曰子與 天下之勇士也今以兵圍我吾為之奈何石乞曰申鳴 申鳴将往死之父止之曰棄父而死其可乎申鳴曰聞 遂入朝楚王因授之相居三年白公為亂殺司馬子期 國立義於庭汝樂吾無憂矣吾欲汝之相也申鳴曰諾 とこう えんよう 自殺也 可兩立行不可两全也如是而生何面目立於天下遂 殺白公其父亦死王賞之金百斤申鳴日食君之食避 之孝子矣乃君之忠臣也吾何得以全身接桴鼓之遂 食其食者死其事受其禄者畢其能今吾已不得為父 應之曰始吾父之孝子也今吾君之忠臣也吾聞之也 吾吾與子分楚國子不與吾子父則死矣申鳴流涕而 君之難非忠臣也定君之國殺臣之父非孝子也名不

與馬是少吾勇也臨敵涉難止我以利是污吾行也深 多安四月全書 止與子同齊國把梁華舟曰君為五乘之實而舟梁不 莒人逆之紀梁華舟下關獲甲首三百莊公止之曰子 汝下也趣食乃行把梁華舟同車侍於莊公而行至苔 乗孰不汝笑也汝生而有義死而有名則五乗之實盡 齊莊公且伐莒為車五乗之實而把深華舟獨不與馬 入多殺者臣之事也齊國之利非吾所知也遂進關壞 故歸而不食其母曰汝生而無義死而無名則雖非五

忘之非信也深入多殺者臣之事也莒國之利非吾所 敵非忠臣也去長受賜非正行也且雞鳴而期日中而 哀之皆人曰子母死與子同苦國把梁華升曰去國歸 華升曰吾豈無勇哉是其勇與我同也而先吾死是以 其去遂於物也來吾瑜子限侯重仗楯伏炭二子乗而 有間不能入限便重為右曰吾聞古之士犯患涉難者 軍陷陣三軍弗敢當至皆城下皆人以炭置地二人立 入顧而哭之華舟後息紀梁曰汝無勇乎何哭之久也 說此

者工師之罪也子何事之有馬車右曰臣不見工師之 王曰子何為死車右對曰為其鳴吾君也王曰左載鳴 狄對曰臣聞之昔者王田於囿左戰鳴車右請死之而 越甲至齊雅門子狄請死之齊王曰鼓鐸之聲未聞矢 他而隅為之崩此非所以起也 乗而見其鳴吾君也遂刎頸而死知有之乎齊王曰有 知也遂進屬殺二十七人而死其妻聞之而哭城為之 石未交長兵未接子何務死之為人臣之禮邪雅門子

一致定匹库全書

擊此國必敗辱君虧地忠臣不恐為也不後於君點兵 車右可以死左數而臣獨不可以死越甲也遂刻頭而 而退至於國郊使人復於君曰臣請死君曰子大夫之 之雜門子秋曰今越甲至其鳴吾君也豈左數之下哉 フ・レフ・ヨーノート 子狄擬使越社稷不血食遂引甲而歸齊王幹雅門子 楚人将與吳人戰楚兵寡而吳兵衆楚将軍子囊曰我 狄以上卿之禮 死是日越人引甲而退七十里曰齊王有臣釣如雅門 鏡苑

請成子大夫之義乃為桐棺三寸加斧質其上以狗於 罪則後世之為君臣者皆入不利之名而效臣適若是 乗則萬乗不敢伐在萬乗則天下不敢圖今趙在阿而 則楚國終為天下弱矣臣請死退而伏劍君曰誠如此 随也以為利也而今誠利子大夫母死子囊曰道者無 宋屠單父則是趙無以自立也且往誅宋趙遂入宋三 宋康公攻阿屠單父成公趙曰始吾不自知以為在千 國

多方四周全書

Callona Litto 處之士而刺之成公趙曰不可吾因羣臣道徒處之士 信不用皆曰趙使之然也不可或曰何不因羣臣道徒 之然也不可吾聞古之士怒則思理危不忘義必将正 月不得見或曰何不因鄰國之使而見之成公趙曰不 信士不情行今吾在阿宋屠單父是辱名也事誅宋王 行以求之耳养年宋康公病死成公趙曰廉士不辱名 而刺之則後世之忠臣不見信辯士不見顧皆曰趙使 可吾因鄰國之使而刺之則使後世之使不信尚節之

說

年得而取之論有功者用田基為始田基曰吾聞亷士 衣将入鼎曰基聞之義者軒冕在前非義弗乗斧鉞於 我者其京中年之士皆與之城北餘子田基獨後至祛 佛胎用中年之縣畔設禄邑炊鼎曰與我者受邑不與 士遂立槁於彭山之上 不恥人如此而受中年之功則中年之士終身慚矣強 後義死不避遂祛衣将入鼎佛肹播而之趙簡子屠中 **恭年不得是情行也吾若是而生何面目而見天下之**

多方四月全書

其僕曰人有亂君人猶死之我有治長可母死乎乃結 吾既食亂君之禄矣又安得治君而死之遂驅車入死 無道也四鄰諸侯莫不聞也以夫子而死之不亦難乎 子将奚如邢蒯晴曰驅之将入死而報君其僕曰君之 齊崔行我莊公邢那順使晉而及其僕曰崔行我莊公 不聽我能去今既不諫又不去吾聞食其禄者死其事 邢蘇順曰善能言也然亦晚矣子早言我我能諫之諫 負其母南徙於楚楚王髙其義待以司馬

士之意矣詩云夙夜匪懈以事一人那生之謂也孟子 王歌賢令於軍曰環蓋三十里母入以歌之故已而使 熊的王使樂毅伐齊関王亡熊之初入齊也聞盖邑人 轡自刎於車上君子聞之曰那腳贖可謂守節死義矣 日勇士不忘喪其元僕夫之謂也 死者人之所難也僕夫之死也雖未能合義然亦有志 固謝熊人熊人曰子不聽吾引三軍而屠蓋邑王歌曰 謂歌曰齊人多髙子之義吾以子為将封子萬家歌

欽定四庫全書

背齊向無况在位食禄者乎乃相聚如苔求諸公子立 也左儒争之於王九復之而王弗許也王曰别君而異 左儒友於杜伯皆臣周宣王宣王将殺杜伯而非其罪 為襄王 枝自奮絕短而死齊亡大夫聞之曰王歇布衣義猶不 助祭為暴也與其生而無義固不如烹遂懸其驅於樹 耕於野國既破亡吾不能存今又劫之以兵為君将是

也臣不事二君貞女不更二夫齊王不聽吾諫故退而

フ・フ・リー ニュー

说说

+

左儒死之 食行栗夏處州澤食羡藕楊公以難死朱属附将往死 莒 穆公有臣曰朱属附事穆公不見識馬冬處於山林 言則死左儒對曰臣聞古之士不枉義以從死不易言 之其友曰子事君而不見識馬今君難吾子死之意者 以求生故臣能明君之過以死杜伯之無罪王殺杜伯 友道君逆則率友以達君王怒曰易而言則生不易而

友斯汝也左儒對曰臣聞之君道友逆則順君以誅友

一多分四周全書

申公子倍之弟進請賞於王曰人之有功也賞於車下 之不出三月子倍病而死邓之戰差大勝晉歸而賞功 我不死是果不知我也吾将死之以激天下不知其臣 王曰奚謂也對曰臣之兄讀故記曰射科维者不出三 将殺之大夫諫曰子倍自好也爭王雄必有說王姑察 楚莊王獵於雲夢射科維得之申公子倍攻而奪之王 者遂往死之 其不可乎朱属附曰始我以為君不吾知也今君死而

I LILL IN THE

艺艺

之於記果有馬乃厚賞之 月必死臣之兄爭而得之故天死也王命發乎府而視 訊苑卷四

多好四角全書